

盖平乡土志

上

蓋平縣鄉土志卷之上

歷史

建置沿革

蓋平自康熙三年改設為縣隸奉天府其沿革可考
如左

周屬朝鮮

秦為燕人衛滿所居

漢屬元菟郡或云漢於此置安市平郭二縣屬遼東
郡安市故城在今縣城東北七十里唐征高麗薛仁
貴白衣登城即此平郭故城在今縣城南據漢志云

其地有鹽官鐵官

魏屬平州

晉初仍屬平州後屬高句驪

隋屬高句驪為蓋牟城

唐初仍為蓋牟城李勣攻破蓋牟城即此太宗取其

地改為蓋州屬安東都護尋收其民以歸地入渤海

國渤海國仍置蓋州後改為辰州又於漢安市縣地

置鐵州嶺位城河端蒼山龍珍四縣今縣城東九十

里有鐵場堡即其地也

遼以路通辰韓陞辰州為奉國將軍設建安縣隸東

京建安本置自高麗唐太宗已得蓋牟城李世勣議
西擊建安不如先攻安市即此其地在今縣城西南
金以建安縣為辰州●章宗時辰州改為蓋州奉國
軍領湯池建安岫巖熊岳縣仍隸東京湯池本遼置
隸鐵州建武軍金隸蓋州元廢遺址在今縣城東北
六十里 國朝乾隆時猶名其地為湯池堡有土堡
周一里二十步岫巖本秀巖今訛為岫巖據金志明
昌四年陞大寧鎮為岫巖縣屬蓋州泰和四年廢貞
祐四年復為縣元復廢今縣城東一百六十八里有
舊岫巖城周二里零四步其東十里又有新岫巖城

周一百步 國朝於舊城設防守尉駐理事通判於此尋建為州

熊岳本渤海杉盧郡地遼置盧州元德革領熊岳縣金廢州以縣屬蓋州今縣城西南六十里有熊岳城周三里九十九步 國朝嘗駐副都統於此元初為蓋州路至元六年併為東京支郡併湯池熊岳二縣入建安縣治尋又有建安縣入蓋州併入遼陽路

明洪武九年改設蓋州衛屬遼東都指揮司馬 國朝改為縣分全境為兩大區曰蓋州曰熊岳復分

兩大區為十二社曰在城曰熊岳曰安平曰方集曰永寧曰復興曰里仁曰樂業曰安居曰新民曰遠來曰岫巖光緒甲辰因境內遼闊析為九十四區別之以名統之以長今於丁未正月縣尊馬公俊顯復改

區長為鄉正擇士紳公正幹練者充之區名別詳地

政績本境向無志書所有案牘又經甲午庚子甲辰三大戰焚劫一空從前各官後歷實績均無可考惟自道咸以來久老傳聞猶

可畧述一二者詳錄如左

強公上林字杏齋江蘇人也由翰林散館知本縣事

道光十四年本城街市商人因憑帖虧累寅夜時

席捲潛逃居民大噪與官府為難上憲恐激成民

憂也急促公來理斯案及至人情鼎沸聲勢洶洶
憑帖數百萬堆累如山公憂之亟出示諭勸而補
苴罅漏終無善策焦思一夕晨起鬚髮皆白嗣經
設法籌款將該疏等所有之錢債田產貨殖束公
作價苦口與商民闕說每帛照二成開付風潮始
息公官本境四餘載惠政不一而足即一夜髮白
之一事迄今論者舉以為佳話亦足見公之苦心
憂民為從來循吏冠云

劉公汝新廣東宜縣人由進士起家咸豐十一年官
本境務以慈惠撫民勸農敦俗有古循吏風適有

土匪李本李信者由海上竄入嘯聚數百人揭竿
一起鋒銳難當邑北村墟焚掠殆盡公震怒偕城
尉宗室廉公諱玉率百數兵痛苦陳辭誓滅賊朝
會食大石橋一戰將首犯二人拏獲正法餘賊相
率遁去其再造蓋平之功誠有不可謬者

俞公恒瀛同治五年知縣事時關東一帶馬賊遽起
隣近城池悉遭蹂躪公偕城尉宗室載公諱耀截
力同心嚴加守禦并創辦鄉團為保護閭閻計每
日自朝至暮部署周詳寢食俱廢及三月初旬賊
竄入境以有備之故望風氣沮閭邑居民不再至

惟鋒鏑之慘者二公運籌之力居多

文公諱景滿洲人也同治十二年知縣事時有點賊
劉寶太者冒充欽差到蓋伊始氣燄甚張閭邑官
民莫有能窺其破綻者該匪借端詐索大肆威權
公覺其有異多方盤詰該匪始猶支吾公使人伺
得真情一訊而伏其罪事聞上憲警喜歎為卓識
其明察有如此者

徐公慶璋字璵齋紹興人光緒七年官本境公為政
愛民如子疾惡若仇蒞任數年鋤豪強判疑獄興
利去害循聲卓卓而挈獲救匪一事尤為噲災人

口先是教匪王連甲奉其師吳某崇拜佛教後乃
附會儒說並緣飾道家之言著書傳徒獨闢法門
謂其教曰混元教其師死伊則自署曰混元大弟
子號召徒黨煽惑多方時正值迷信時代從其教
者日以滋多老幼婦女趨之若鶩大有洪秀全團
拜上帝之遺意八年春在城南五里小朱寨地方
度其徒金福強成真先期遍發傳單指日大開會
場公謀知之惡其左道惑人也乃陰為之備至期
該匪高架賀棚盛排筵宴使金福強端坐屋上謂
候日正中仙酒三杯登時羽化其時遠近聞傳觀

者如賄教徒并集約四十餘人遠瀋等城至有不
遠數百里而來與會者其狂悖情形真同叛逆目
未午公猝至首事諸人悉被掩執其餘紛紛若鳥
獸散訊其羽化之事則知從前已毒死二人且屢
有聚衆歛財之事公知其惡貫滿盈乃詳請上憲
就地正法從此嚴申禁令本地愚民無敢明目張
胆自稱為混元教徒者破千古之迷信除一方之
蠹賊其剛果之德豈可於此窺見一斑矣

全公作勲光緒十六年官本境公平本三十以治盜名
於世時則有王連漢于連甲姚廷芳等皆著名劇

寇惡霸一方附近居民不堪其擾公知之乃躬率
兵役屢破賊窟未及三月盜風頓熄其冬城北灰
庄屯有白蓮教徒自三座塔而來假咒符藥水之
術以蠱惑鄉民該村王姓者受其愚弄甘為戎首
附從者又若干姓夜聚曉散陰圖不軌其怪誕僭
妄之跡不值一喙公知其不可以情理喻也後與
本城巡防營協商直擣巢穴剪其醜類其餘不株
累一人語云鋤暴所以安良公實有之

祥公德字星如滿洲人先緒三十年官本境公為人
性機警有胆畧日俄戰起之時有俄國通事某借

勢狀氏為公會所喊控公捕得之俄官數十
為聞說悉麾之去嗣俄大官某將用野蠻手段強
逼開釋比再來時已斬之矣俄官亦無可如何遠
近稱快未幾有日本間諜二人潛入城中為邏卒
所執公呼之至署推誠相待密語多時且贈與路
費若干兩而縱之去公慮俄人知乃預便班役黃
夜捕越^城牆有二人繫之囚圈內翌晨俄官果聞
之來索日偵公出所獲踰牆之二人以答俄官無
以難始罷及俄人敗北大山元帥進城則一見握
手歡若平生並揚言為公故遲我兩點鐘得蓋平

城蓋不忍魚肉城內之商民故迂道開戰也統計
兩軍在境公皆能不動聲色收回主權使兩軍將
士莫不為我所欲為其盛德感人之神真有不可
思議者至其立交涉局以睦邦交創公議會以抒
民困與夫聽訟之明覺待人之慈厚則有口皆碑
茲不復贅云

劉公廷珍字聘臣於光緒三十一年知縣事創立農
桑局會派士紳晉興氏利城外沿路村鎮先後栽
樹至十五萬棵之多劉公常週環巡視與野老席
地講求樹藝之德其留心民事人多稱之